

永樂大典

百一九

卷二八七 黨字

卷二八八 黨字

卷二九〇三 廣字

卷二九〇四 廣字

永樂大典卷之一萬一千八百八十七

十八

黨

慶元黨

慶元黨禁古者左右前後周非正人所以嚴其選少傳觀者慮至深也後世論親賢士遠小人必宮中府中博觀文

體而作姦犯付之有司所以嚴其法於近習者慮益遠矣慶元大臣得君之初收召群賢一新庶政方將措天下於太平之盛而官府之間近習竊柄一罅弗窒萬事瓦解國家幾於危壞而不可救是則立紀綱嚴界限防微杜漸在君相可一日不加之意哉余於慶元黨禁而有感焉因記其首末淳祐乙巳至日滄州熊叟序

慶元黨禁首末偽黨共五十九人

宰執四人

趙汝愚右丞相鉅州留

正少保觀文殿大學士泉州王蘭觀文殿學士知漳州周必大少傅觀文殿大學士吉州待制已上十三人朱熹煥章閣待制兼侍講建寧徐

誼權工部侍郎温州彭龜年吏部侍郎台州陳傅良中書舍人兼侍讀兼直學士院温州薛叔似權戶部侍郎兼樞密都承旨章穎權兵部侍郎兼

侍講。婺州鄭湜。權刑部侍郎。福州樓鑰。權吏部尚書。明州林大中。吏部侍郎。婺州黃由。權禮部尚書。平江黃黼。權兵部侍郎。臨安何異。權禮部侍郎。

撫州孫逢吉。權吏部侍郎。吉州餘官三十一人。劉光祖。起居郎兼侍

讀。蜀呂祖儉。大府寺丞。婺州葉適。太府寺卿。總領淮東財賦。温州楊方。秘

書郎。汀州項安世。校書郎。荆南沈有開。起居郎。常州曾三聘。知郢州。臨江

軍將仲鴻。軍器監簿。果州吳獵。監察御史。漳州李祥。國子祭酒。常州楊簡。

國子博士。明州趙汝談。添差監左藏西庫。臨安趙汝談。前淮西安撫司幹

官。陳峴。校書郎。温州范仲黼。著作郎兼權禮部郎官。成都汪遠。國子司業。

信州孫元卿。國子博士。袁燮。太學博士。明州陳武。國子正。温州田澹。宗正

丞兼權工部郎官。南劍黃度。右正言。紹興詹體仁。太府卿。蔡幼學。福建提

舉。温州人周南。池州教授。平江吳柔勝。新嘉興府教授。宣州李臺。校書郎。

蜀王厚之。直顯謨閣。江東提刑。紹興孟浩。知湖州。袁州趙鞏。秘閣修撰。知

楊州白炎震。新通判。成都府。晉州武臣三人。皇甫斌。池州都統制。范

仲壬。知金州。張致遠。江西兵馬鈐轄。太學生六人。楊宏中。周端朝。

張衡。林仲鱗。蔣傳。徐範。士人二人。蔡元定。編管道州。嘉定

三年奉聖旨特賜迪功郎。呂祖泰。決杖配欽州。嘉定元年奉聖旨特補迪

功郎監漳州南嶽廟已上並見於當時臺諫章疏秀嶽李心傳

朝野雜記所編政僞學人京鏜右丞相洪州何澹樞密處州劉德秀諫議

大夫洪州胡紘御史處州倪思尚書湖州李沐正言湖州劉三傑正言發

州施康年正言通州姚愈大諫平江陳賈兵部侍郎舒州楊大浩侍御發

州張釜大諫鎮江錢象祖參政台州葉翥尚書處州許及之樞密温州張

巖侍御楊州諫諍侍郎興化軍傅伯壽侍郎泉州汪義端中書舍人徽州

高文虎直院明州張伯珩察院秀州鄧友龍奏院衡州康師旦吏部侍郎

平江趙善堅林采監察御史沈繼祖監察御史興國丁逢川秦都太常

州邵褒司直秀州王沆轉運使錢鑒衡州守余嘉新州教授漳州趙師召

迪功郎張貴謨處州黃掄鄭丙福吏部尚書淳熙間林栗福兵部侍郎

淳熙間王淮發丞相淳熙間寧宗皇帝之登極也丞相趙汝愚時知樞

密院求能通意於慈福者有知閤門事韓侂冑自詭於太皇太后為親屬

請効力遣入白不許出遇內侍關禮于門告之禮請獨入泣涕固請太皇

許之命乎侂冑復入使喻意於汝愚其論遂定侂冑繇此自謂有定策功

且依托肺腑出入宮掖居中用事時汝愚方收召四方知名之士聚於本

朝海內引領以觀新政而事已多從中出初上在潛邸聞朱熹名每恨不

得爲本宮講官。踐祚之日。以煥章閣待制召于長沙。熹在先朝累召不至。至輒不留。至是即日上道。惕然以時事爲憂。於免橫已寓其意云。陛下嗣位之初。方將一新庶政所宜愛惜名器。不可輕以假人。若使僥倖之門一開。其弊豈可復塞。未幾內批逐首相留。正熹至。上饒聞之。益有憂色。登對行宮便殿。首奏陳之。有曰發號施令。無一不出乎朝廷。進退人才。無一不合乎公論。不爲偏聽。以啓私門。則釁孽之萌。不得作矣。今日之討。莫大於此。又再三面言之。又約吏部侍郎彭龜年同請對曰。發侂冑之姦。適龜年出護使客。侂冑益得爲計。熹累白汝愚當以厚賞酬其勞。勿使得預朝政。且有分界限。立紀綱。防微杜漸。謹不可忽之。語汝愚。方謂其易制不之虞。登聞鼓院游仲鴻。汝愚客也。力諫汝愚不聽。而所倚以爲腹心。謀事者。又皆持祿苟安。無復遠慮。右正言黃度欲論侂冑請泄。又以內批斥去。熹不勝憤。遂因講畢。奏跡極言之。畧曰。朝廷紀綱所當嚴。今陛下即位。未能旬月。而進退宰執。移易臺諫。皆出於陛下之獨斷。大臣不與謀。給舍不及議。正使實出於陛下之獨斷。其事悉當於理。亦非治世之體。況中外傳聞。皆謂左右或竊其柄。而其所行。又未能盡允於公議。此弊不革。臣恐名爲獨斷。而主威不免於下移。欲以求治。而反不免於致亂。蓋自隆興以來。已有此

患臣嘗再三深爲壽皇論之非獨今日之憂也尚賴壽皇聖性聰明更練世事故於此輩雖以驅使之故稍可假借實陰有以制之未至全墮其計然積習成風貽患於後其害有不可勝言者如陳源素佐之派皆陛下所親見柰何又欲襲其迹而蹈之乎願陛下深詔左右勿預朝政但使朝廷尊嚴紀綱振肅而國家有泰山之安則此等自然不失富貴長久之計其實有勲勞而所得褒賞未恆衆論者亦詔大臣公議其事參稽令典厚報其勞而凡號令之弛張人才之進退則一委之二三大臣使之反覆較量勿徇己見酌取公論奏而行之批旨宣行不須奏覆但未令尚書省施行先送後省審覆有不當者限以當日便行繳駁如更有疑則詔大臣與繳駁之官當晚入朝面議於前互相論難擇其善者稱制臨決則不惟近習不得干預朝權大臣不得專任己私而陛下亦得以益明習天下之事而無所疑於得失之筭矣臣老病之餘寒齋獨宿終夜不寐憂慮萬端至於孤危之踪不敢自保竊恐自今以往不獲久侍清間之燕矣跡入侂冑大怒陰與其黨謀去其爲首者則其餘去之易爾所謂首者蓋指熹也乃於禁中令優人效熹容止爲戲熹感上聽熹時急於致君知無不言言無不切亦頗見嚴憚於是侂冑之計遂行及熹講筵留身再乞施行前跡退

則內批徑下。朕憫卿耆艾。當此隆冬。恐難立講。已除卿宮觀。可知悉時。紹熙五年甲寅冬。閏十月十九日甲戌也。汝愚獨袖內批還上。且諫且拜。倪胄必欲出之。汝愚退求去不許。二十一日。倪胄使中使王德謙封內批以授熹。熹即附奏謝遂行。二十二日。給事樓鑰封還錄黃。舍人鄧駟面奏乞留熹。上許除京祠已而不下。二十三日。起居郎劉光祖又言之。二十四日。中書舍人陳傅良再封還錄黃。二十五日有旨。除熹寶文閣待制。與郡劉光祖再上疏留。行不報。樓鑰再封還錄黃。二十七日有旨。依已降旨。指工部侍郎兼侍講黃艾因講問遂熹之驟。懽懽再三不已。吏部侍郎魚侍講孫逢吉上疏留熹。又因講權輿之詩。反覆以諷。上曰。朱熹所言多不可用。時倪胄欲用優人王喜爲閣門祗候。喜即前日效熹爲戲者。逢吉誦言將入諫乃止。監察御史吳獵入劄子乞留熹不報。登聞鼓院游仲鴻上言。朱熹海內名儒。首蒙收召。四方傳誦。以爲天下大老歸之。纔四十餘日。復有宮祠之命。遠近相吊。以爲天下大老去之。則人孰不欲去者。若正人盡去。陛下何以爲國。願亟還朱熹。毋使小人得志。養成亂階。時倪胄勢方盛。人皆爲仲鴻危之。熹以十月辛卯入見。中間進講者七。內引留身奏事者再。面對賜食各一。在朝甫四十有六日。云熹去。彭龜年遂徑論倪胄竊弄威。

福爲中外所附。不去必貽患。讀劄子畢。又奏只緣陛下近日遂得朱熹太暴。故欲陛下亦垂去此小人。毋使天下人謂陛下去君子如此之易。去小人如此之難。上初欲兩罷之。汝愚開陳欲兩留之。既而內批彭龜年與邵節度使吳玘嘗言時上無堅留侂冑意。使有一人繼之。則去之必矣。侂冑既留勢益張。先是侂冑恃功。意望建節。恨汝愚抑之。有怨言。僉書樞密院羅點慰解之。徐誼爲京尹勸汝愚以節度與之。汝愚悔違人諭。侂冑既冑答語不遜。遂日夜謀引其黨爲臺諫。以擠汝愚。汝愚爲人疎直。不虞其奸。會汝愚奏除劉光祖。侍御史方進呈。知樞密院陳騭忽奏光祖與臣有嫌。今光祖入臺。願先避位。汝愚愕然而止。侂冑遂內批御史中丞蓋侂冑與騭合謀已定。獨汝愚未之覺耳。汝愚奏乞令近臣舉御史。有大理寺簿劉德秀者。與侂冑深交。乃諭中司令薦德秀。時近臣薦者甚衆。侂冑下內批令用中司舉者。德秀既除。監察御史其黨以次而進。言路遂皆侂冑之人。工部尚書趙彥逾者。汝愚謀立上時。遣達意於殿帥郭杲。事定。亦汝愚引已同升。而止。除端明殿學士知建康。彥逾遂與侂冑合。未幾改除四川制置彥逾愈恨。入辭疏。廷臣姓名于上。指爲汝愚之黨。曰老奴已去。不惜爲陛下言之。而上亦疑矣。會僉書樞密院羅點尚書黃裳卒。裳潛邸舊臣。上

所倚信點既卒。侂冑又亟擢其黨京鏜。汝愚由是益孤。至是中書舍人陳
傅良。監察御史吳玘。起居郎劉光祖。各先後斥去。群儉附和。視正人如寇
仇。衣冠之禍。自此始矣。侂冑欲逐汝愚而難其名。或教之曰。彼宗姓。誣以
謀危社稷。則一網盡矣。侂冑然之。慶元元年乙卯。春正月二十五日辛亥。
遂擢其黨將作監。時李沐為右正言。使擊汝愚。二月二十一日丁丑。右正
言李沐上殿。乞罷汝愚政柄。以尊安天位。塞絕姦原。是日右丞相趙汝愚
乞罷政。出浙江亭待罪。詔中使宣押赴都堂治事。李沐又乞更不宣押。是
晚鎖院。二十二日戊寅。汝愚罷右丞相。除觀文殿大學士。知福州。制詞畧
曰。頃我家之多難。賴碩輔之精忠。持危定傾。安社稷以為悅。任公竭節。利
國家無不為。既隆翊戴之勲。尚期啓沃之助。力陳忱悃。祈避煩言。起居郎
權直學士院鄭湜。草也。湜坐無貶詞。免兼學士院。未幾罷去。二十三日己
卯。權兵部侍郎章穎與郡以上疏留汝愚也。右正言李沐論其附上罔下。
繼與宮觀。二十四日庚辰。工部侍郎知臨安府徐誼亦坐上疏論救汝愚
罷去。御史中丞何澹。殿中侍御史楊大法。監察御史劉德秀。劉三傑。論汝
愚冒居相位。今其罷免。不當加以書殿隆名。帥藩重寄。伏乞寢其福唐之
命。令其職名奉祠社門者。答。二十八日甲申。有旨依所。乞觀文殿大學士。

提舉臨安府洞霄宮。國子祭酒李祥博士楊簡復上疏留汝愚。李沐又劾之。三月二十九日甲寅。祥簡並罷。夏四月二日。太府寺丞呂祖儉疏留汝愚。併論朱熹。彭龜年等不當逐。語侵侂冑。四日戊午。詔呂祖儉朋比罔上。送韶州安置。中書舍人鄧駘封還錄黃。五日。詔祖儉志在無君。其罪當誅。姑從寬宥。以示寬容。自合書行。於是太學生楊宏中。周端朝。張衡。林仲鱗。蔣傳。徐範六人。伏闕上書其畧曰。臣聞自古國家禍亂之由。初非一道。而小人中傷君子。其禍尤慘。君子登庸。杜絕邪枉。要其處心。實在於愛君憂國。群小得志。仇視正人。必欲盡去其朋黨。然後可以肆行而無忌。於是人主孤立。而社稷危矣。黨錮斃漢。朋黨亂唐。大率由此。元祐以後。邪正交攻。卒成靖康之變。我宋不競。貽禍至今。此臣子所不忍言。陛下所不忍聞者。臣竊見近者諫官李沐。論前相趙汝愚所為乖戾。隨即罷去。若慮陛下父子之際。懷不自安。故黜汝愚以謝天下。亦未為過。如沐所言。則以為汝愚自居同姓。數談夢兆。專政擅權。欺君植黨。殆將不利於陛下。以此加誣。其實不然。汝愚之去。中外咨憤。而李沐以為父老歡呼。蒙蔽天聽。至於此道。路諱然。以為李沐內結權倖。陰有指授。率爾肆言。全無忌憚。廟堂屏息。不敢異議。天下扼腕。氣將奚伸。其氣誅已足。以熏灼朝路。撼搖國勢。陛下

若不亟治。漸成孤立。後雖悔之亦無及矣。陛下獨不念去歲之事乎。人情危疑。變在朝夕。當是時。假非汝愚出死力定大議。使陛下得以成寄康皇帝。揖遜之志行。孝宗皇帝未舉之喪。雖百李沐。罔知攸濟。當國家多難。汝愚方位樞府。本兵柄。指揮操縱。何向不可。不於此時為利。上下安妥。乃有異意乎。李沐輒以危言悚脅陛下。巧於中傷君子。立威名。情狀敗露。願陛下鑒漢唐之禍。懲靖康之變。精加宸慮。特奮睿斷。念汝愚之忠勤。灼李沐之回邪。明示好惡。旌別淑慝。竄李沐以謝天下。六日庚申。詔宏中等。妄亂上書。扇搖國是。各送五百里外編管。中書舍人鄧駟言。臣仰惟國家開設學校。教養士類。德至渥也。自建太學以來。上書言事者。無時無之。累朝仁聖相繼。天覆海涵。不加之罪。甚者押歸本貫。或他州聽讀而已。紹熙間。有布衣俞古上書狂悖。若以指斥之罪坐之。誠不為過。太上皇帝始者震怒。降旨編管。已而臣寮論奏。竟從寬典。陛下今日編管楊宏中等六名。若以扇搖國是罪之。則未若指斥乘輿之罪大。以六輩言之。則一夫為至寡。聖明初政。仁厚播聞。膚斷過嚴。人情震駭。所有錄黃。臣未敢書行。詔駟依已面諭施行。未幾駟羅知泉州。工部侍郎兼知臨安府錢象祖遣人逮捕諸生。押送貶所。宏中。衛仲鱗。範。皆福州人。端朝。温州人。傳。信州人。傳久居學

校。忠鯁有聞。扣關之事。皆其屬藁。同日李沐除右諫議大夫。劉德秀除右正言。時知名之士罷斥相繼。人情洶洶。侂冑患之。侍御史楊大法。右正言劉德秀。乃乞降詔。以國是尊君中道等事。訓飭在廷。有不如詔者。重寘典憲。五月十三日。命直學士院傅伯壽降詔。如請。伯壽乃自得之子。自得乾道間。以不受曾覲之招。名聞四方。至伯壽則奴事侂冑。隸人蘇師旦致身通顯。其弟伯成非其所爲。每切責之。至是伯壽首草詔。以詆善類。六月十七日。德秀又劾國子博士孫元卿。太學博士袁奕。國子正陳武。皆罷去。司業江遼入劄辨之。德秀以爲之言。遼亦罷。侂冑本武人。志在招權納賄。除不附已而已。不能巧爲說。以網善類也。先是熙寧間。程顥願傳孔孟千載不傳之學。南渡初。其門人楊時傳之。羅從彥從彥傳之。李侗。朱熹。師侗而得其傳。致知力行。其學大振。學者仰之如太山北斗。而流俗醜正。多不便之者。蓋自淳熙之末。紹熙之初也。有因爲道學以謀孽之者。然猶未敢加以醜名攻詆。至是士大夫嗜利無恥。或素爲清議所擯者。乃教以凡相與爲異者。皆道學人也。陰誹姓名授之。俾以次斥逐。或又爲言名道學則何罪。當名曰僞學。蓋謂貪黷放肆。乃入真情。其廉潔好脩者皆僞人也。於是險狠猥薄無行之徒。利其說之便已。揚袂奮臂。以攻僞于進。而學禁之

禍自此始矣。二十四日。劉德秀上疏乞考覈真偽而辨邪正。御史中丞何澹急欲執政。秋七月十三日。上疏論專門之學流而為偽。空虛短拙。文詐沽名。詔榜朝堂。十九日。吏部郎官藥師旦建言。請考覈真偽。遂除左司員外郎。是時有張貴謨者。指論太極圖說之非。御史中丞何澹上言。在朝之臣。既熟知其邪正之迹。然不敢白發。以招報復之禍。望明詔大臣。去其當去者。七月。以御史中丞何澹疏。落趙汝愚大觀文。冬十一月。監察御史胡紘奏。汝愚唱引僞徒。謀為不軌。責授寧遠軍節度副使。永州安置。徐誼坐黨汝愚。亦責團練副使。南安軍安置。中外震駭。朱熹時家居。自以蒙累朝知遇之恩。且尚帶從臣職名。義不容默。草封事數萬言。極陳姦邪蔽主之禍。因以明汝愚之寃。繕寫已具。子弟諸生更進迭諫。以爲必至賈禍。熹不聽。門人蔡元定入諫。請以著決之。遇遯之同人熹默然。取奏藁焚之。因更號遯翁。遂以疾丐休致。慶元二年。御史中丞何澹除同知樞密院事。二十四日甲辰。右諫議大夫劉德秀劾留正四大罪。首論其招引僞學。以危社稷。僞學之稱自此始。是月二十日丙子。趙汝愚歿于衡州。汝愚既責零陵。過衡陽而病。又爲守臣錢釐所窘逐。服藥而卒。天下寃之。時有迪功郎趙師召者。上書乞斬汝愚。雖事不行。然侂冑之黨。以汝愚有定策功。惟恐其

復進。故當時謂汝愚不死。事固未可知也。二十七日計聞。有旨復元官。許
歸葬。二月省闈知舉葉翥。倪思。劉德秀。奏論文弊。上言偽學之魁。以匹夫
竊人主之柄。鼓動天下。故文風未能丕變。乞將語錄之類。並行除毀。是科
取士。稍涉義理。悉見黜落。六經語孟中庸大學之書。爲世大禁。夏六月乙
丑。度支郎中淮西總領張釜言。邇者偽學盛行。賴陛下聖明。羅斥姦回。登
用賢哲。天下皆洗心滌慮。不敢復爲前日之習。願陛下明詔大臣。上下一
心。堅守勿變。毋使僞言僞行。乘間以壞既定之規摹。乃除尚左郎官。中書
舍人汪義端。引唐李林甫故事。以偽學之黨皆名士。欲根株斷除之一時
號爲君子。無不斥逐。太皇太后聞而非之。二十六日甲戌。御筆今後給舍
臺諫。不必更及舊事。務在平正。以稱朕意。倪胄及其黨皆怒。遂令臺諫爭
之。於是右諫議大夫劉德秀。監察御史姚愈。張伯瑛。力爭以爲不可。乃改
爲不必專及舊事。自是倪胄與其黨。攻治之志愈急矣。御筆之出也。殿中
侍御史黃黼獨贊之。與同列異。秋七月。姚愈除殿中侍御史。黼除起居郎。
權兵部侍郎。未幾罷去。八月九日丙辰。太常少卿胡絃言。比年偽學猖獗。
圖爲不軌。近元惡殞命。群邪屏迹。而或者唱爲調停之議。取前日偽學之
姦黨。次第用之。望宣諭宰執。應偽學之黨。曾經臺諫論列者。任進擬。遂遷

起居舍人。冬十二月三日。陳賈自寧國府除兵部侍郎。以賈淳熙末嘗擊朱熹故也。先是熹乞追還職名及改正過待制恩數。繼又乞致仕。朝廷不許。臺諫洶洶爭欲以熹爲奇貨。門人楊揖聞。卿曲射利者。多撰造事跡以投合言者。亟以書告熹。熹報曰。死生禍福久矣。置之度外。不煩遠慮。然群儉相顧。久之不敢發。獨監察御史胡紘草疏將上。會遷去不果。沈繼祖者。爲小官時。嘗採撫熹語。益之說以自售。至是以追論程頤得爲監察御史。紘以藁授之。繼祖銳於進取。謂立致富貴。遂奏熹剽竊張載程頤之餘論。寓以喫菜事魔之妖術。以簧鼓後進。張浮駕誕。私立品題。收召四方無行義之徒。以益其黨。佞相與餐麤食淡衣。獲帶博。或會徒於廣信鵝湖之寺。或呈身於長沙敬簡之堂。潛形匿迹。如鬼如魅。及不忠不孝不仁不義。不公不廉等十罪。乞褫職罷祠。其徒蔡元定。佐熹爲妖。送別州編管。二十六月。旨依蔡元定編管道州。慶元三年丁巳。春正月。省劄始至。熹方與諸生講論。有以小報來言者。熹畧起視之。復坐講論如初。詞色更爲和平。翌旦諸生乃知其有指揮。時郡縣捕蔡元定甚急。元定色不爲變。毅然上道。熹與諸所從遊百餘人。送別簫寺。坐客感嘆有泣下者。熹微視元定。不異平時。因曰。朋友相愛之情。李道不挫之志。可謂兩得之矣。又曰。李通之行。無

幾微不適意。予服獨爲之泣涕流連而不能已。處事變恤窮交亦兩得其道也。明年元定卒于道州。熹爲之慟。元定師事熹而熹顧曰季通吾老友也。凡性與天道之妙。他弟子不得聞者。必與元定商確之。嘗輯其講論之辭。曰翁季錄者。蓋引以自匹也。常曰造化微妙。惟深於理者能識之。吾與季通言而未嘗默也。及其歿也。恨無可與晤其殽也。祭云。以精詣之識卓絕之才。不可屈之志。不可窮之辯。不可復得而見。蓋深致其哀。熹嘗謂中庸已發未發之旨。以爲人自嬰兒至老死。雖語嘿動靜之不同。然大體莫非已發。元定不以爲是。獨引程氏說以爲敬而無失。便是喜怒哀樂未發謂之中。後十年熹再與元定辯論。始悟其說而悉反之。由是益奇元定。每諸生請疑。必令先質之元定。而後爲之折衷。同門寡二。以故小人深嫉之。故是時有朱熹唱僞蔡元定實羽翼之之奏也。二月丁巳。大理司邵襄請明詔大臣。自今權臣之黨。僞學之徒。不得除在內。差遣。六月癸卯。言者又論三十年來。僞學顯行。場屋之權。盡歸其黨。所謂狀元者。元與兩優釋褐者。非其私徒。即是其親故。望詔大臣審察其所學。而後除授宣教郎。錢文子時以太學兩優釋褐。一任回當召試。徑就部注潭州醴陵知縣而去。時人稱之。閏六月六日戊寅。朝散大夫劉三傑免喪入見。論僞學之黨。變

爲逆黨。防之不可不至。及論留正共引僞學之罪。侂冑大喜。即日三傑除
右正言。留正送邵州居住。秋九月二十七日丁卯。言者論僞學之禍。望申
飭大臣。鑒元祐調停之說。杜其根源。時有詔監司帥守薦舉改官。並於奏
牘前聲說。非僞學之人。且結朝典之罪。秋當大比。漕司前取家狀。必欲書
委不是僞學五字於後。時有柴中行者。爲撫州推官。獨移文漕司。稱自幼
習易讀程氏易傳。未委是與不是僞學。如以爲僞。不願考校。士論壯之。冬
十二月丁酉。知綿州王沈乞置僞學之籍。仍自今曾受僞學薦舉。闕陞。及
刑法廉吏自代之人。並令省部籍記姓名。與閑慢差遣。吏部侍郎黃由奏。
人主不可待天下以黨與。不必置籍以示不廣。殿中侍御史張岩論。由阿
附權臣。植立黨與。由遂罷去。未幾。擢沈利路轉運判官。慶元四年戊午。夏
四月。右諫議大夫姚愈上言。近世行險僥倖之徒。倡爲道學之名。權臣力
主之說。結爲死黨。願下明詔。播告天下。五月己酉。遂命直學士院蔡中書
舍人高文虎草詔曰。賴天之靈。宗廟之福。朕獲承慈訓。膺受內禪。陰謀壞
散。國勢復安。嘉與士大夫屬精更始。凡曰淫朋比德。幾其自新。而歷載臻
茲。弗迪厥化。締交合盟。窺伺間隙。毀譽舛乖。流言間發。將以傾國。是而惑
衆心。甚至竊附於元祐之諸賢。而不思實類乎紹聖之姦黨。國家秉德。康